



Aghe sporcje maledete di dulà sêstu rivade?
Intun moment tu âs savoltât il mont intâr
e cuntune svintade tu âs discrotât i monts dai peçs
lassant inte vergogne dute la bielece de nestre Cjargne.
Ma tal Friûl e inte Cjargne e jê int fuarte
e cence pôre e jê int che no si rint.
Nancje un moment dopo stât chel montafin,
e jerin za li ducj pronts, cu lis palis e i picons
e cu lis maniis tiradis sù fin tai comedons.
Pronts a mostrâ chel popul salt e onest, lavoradôr.
Come che nus àn lassât intune cjançon
i nestris vons. E jerin par un moment,
restâts par un moment, come ingherdeâts
di chê disfate, ma intun lamp e jerin
li ducj pronts a tornâ a comedâ almancul
chel pôc che si podeve, ancje e coventaran
tancj agns o amorons par tornâ come prime.
O soi content parcè che o n'ai viodût che
in Cjargne e in Friûl l'amôr par chest tocut
di paradìs al è simpri tal cûr de nestre int.

di Plume di ingjustri